

From
Synod Literature & Publication Board
Synod Office
Mission Vêng, Aizâwl – 796 001
Mizoram



Vol. XLI No. 7 A man ₹1/-

NEWSLETTER

July 2026

LÂWRKHÂWM

KOHRAN ṬAWNGṬAI RUAL

NCCI General Secretary ngen-na bawh zuia Mizoram Synod Secretary-in ngenna a tichhuah angin, Lok Sabha Session, July 21–Aug 21, 2026-a Foreign Contribution Regulation Act (FCRA) Amendment Bill, 2026 pass a nih lohna tûrin ni 28.6.2026 (Pathianni) zân khân kohhranhote an ṭawngṭai rual.

LAY LEADERS TRAINING

Synod Multipurpose Training Centre (SMTTC) chuan June 22–26, 2026 khân Lay Leaders Training wavi 238-na a buatsaih a, Presbytery 13 – Kolasib, Sakawrhmuituai, Tuichânggrâl South, Aizâwl Hmâr, Aizâwl Central, Dampa, Tuichâng, Tuivawl, Aizâwl East, Chhimchhak, Tuirini, Hmârthlang leh Aizâwl Bethel aṭangin Kohhran Upa 49 an tel.

CAMBODIA LEH PHILIPPINES-AH

June ni 5–13, 2025 khân Rev B. Zohmangaiha, Synod Secretary leh Rev. Dr Rosiamliana Tochhawng, Executive Secretary-te chu mission rawngbâwlina thil ṭûlah Cambodia leh Philippines-ah an zin.

SHSS-AH SMART CLASS HAWNG

Ni 25.6.2026 zîng dâr 9 khân Synod Higher Secondary School Multipurpose Hall-ah Smart Classroom chu Rev. Dr Rosiamliana Tochhawng, Executive Secretary-in Pathian hnênah hlanin a hawng. SHSS-ah hian classroom – Secondary Section-ah 10, Higher Section-ah 12 leh Smart Classroom 2, a vaiin room 24 a awm a, chûng classroom 24-ah chuan Interactive Flat Panel dah vek a ni.

MIZORAM SYNOD KUTAH GAC BUILDING HLAN A NI

June ni 23, 2026 khân Mizoram sawrkârin Planning & Programme Implementation Department Committee Room, Treasury Square-ah Govt Aizâwl College Building chu Mizoram Synod kutah a hlân.

Inhlanna hun hi Dr Lalrozâma, Commissioner & Secretary, H&TE-in a kaihrui a; Pu Lalṭanpuia, Director, H&TE-in report a pe a; Dr Vânlalthlana, Minister, H&TE-in thu a sawi. Mizoram Synod aiawhin Rev. V.L. Luaia Hrânleh, Senior Executive Secretary leh Rev. Dr Rosiamliana Tochhawng, Executive Secretary-ten thu an sawi bawh. Inhlanna lehkhah hian Mizoram sawrkâr aiawhin Dr Lalrozâma, Commissioner, H&TE; Pu Lalṭanpuia, Director, H&TE leh Pu K. Lalmangaihzuola, Joint Secretary, H&TE leh Mizoram Synod aiawhin Rev. John Râldosânga, Synod Moderator; Rev. B. Zohmangaiha, Synod Secretary leh Rev. V.L. Luaia Hrânleh, Senior Executive Secretary-ten hming an ziaak a ni.

Govt Aizâwl College building man atân hian sawrkârin a phûl angin Mizoram Synod-in ₹3,18,92,300/- a hlân ngâl a ni.

August ni 25, 1975 khân Aizâwl College hi din a ni a. Building nei

mumal lovin hmun hrang hrangah class lâk ṭhin a ni. Rei fe deficit status-a a awm hnuah kum 1989-ah provincialize a ni a. Sikulpui leh Sikul Sente sawrkâr kuta a awm laiin a compound-ah Govt Aizâwl College building hi sak a ni. January ni 7, 2026 khân Dr Vânlalthlana, H&TE Minister kaihhruaina hnuaiha Department aiawhte leh Mizoram Synod aiawhten building inhlan chungchâng hi an ngaihtuah a, chutah chuan Drafting Committee din a ni a. Drafting Committee hma lâkna kal zêlah building hi inhlan a lo ni ta a ni. May ni 29, 2019 khân Mizoram Synod kutah Sikulpui chu hlan a lo ni tawh bawh.



SPM-IN JAIL TANG ZIR CHIANNA SEMINAR A HUAIHAWT

Synod Prison Ministry (SPM) chuan ni 5.6.2026 khân Ramhlun Vêngchhak Kohhran Hall-ah jail tâng zir chianna seminar a huaihawt a, mi 109 an kal.

Programme hi hun hniah ṭhen a ni a. Hun khatna chu Upa Chawngsailova, SPM Sub-Committee Member-in a kaihrui a. Rev. Lalhleia, Director, SPM chuan – Mizorama kohhran, pâwl leh mi ṭahnemngaite rawngbâwlina sâwt zâwka kalpui dân a awm leh awm loh hriat nân te, sâwt zâwka hma lâk dân tûr te leh, chhûngkaw ṭha neih nân engtia hma lâk tûr nge ni ang, tih te chu zir chiannain a tum a nih thu a sawi a; jail tângte dinhmun zir chianna paper a chhiar chhuah chu sawi ho a ni bawh.

Chawhnu lam chu Rev. Malsâwmtuanga, SPM Committee member-in a kaihrui a. Rev. Lallianmawia Pachau, SPM Committee Member-in jail tângte zir chianna aṭanga kohhrante zir tûr tih thupui a chhiar chu sawi ho a ni.

Zir chianna a lan dânin – khawpuiah sualna a pung nasa hle a, jail tâng zîngah dân bawhchhia 91.4% chu mipa an ni a, 8.4% chu hmeichhia an ni a, 47.8% chu zu leh ruihlo tawlh rûk vânga tâng an ni a, 76.7% chu kum 18-40 inkâr mi an ni.

SYNOD Newsletter

EDITORIAL STAFF

Rev. P.B. Zosâpthara
Rev. Dr K. Lallâwmzuala
Upa F. Lalthlamuana
Lalremmawia

Editorial.....

BEIDAWNG LOVIN

Pathian thu chuan bianga thlantui far zawih zawiha mahni ei tûr thawk chhuah a ngaih tûr thu a sawi a. Kan nihna hrim hrimah hian thatchhe taka hun hmang tûr kan ni lo tih a hriat nghal mai âwm e.

Thlantui far zawih zawiha hna kan thawhna tûr hmunah hian inthlahdah, beidawn leh tâwpsan mai duhna hian min hmuak fo. Hetiang huna tâwpsan thînte hian hlawhtlinna aiin hlawhchhamna an têt duh chawk. Hlawhtling tûr chuan beidawnna ruama intipaukhauhva, hma lam a nung zâwnnga thlîr tlat te hi a pawimawh thîn.

Ei zawwna kawng hrang hrangah pawh hian min tibeidawng thei kan tâwk fo va. Rilru puitling chu beidawnna âwm tak a lo thlenin a intihuai a, amah leh amah a infuih a, hma lam a pan hrâm hrâm a, hlawhtlinna a chang leh thîn a ni.

Zirna kawngah pawh beidawnna tûr hi a tam thîn khawp mai. NEET exam tûra inbuatsaih zirlai inâwk hlum te an awm leh thîn, a pawl tak zet a ni. Hêng mite hian 'Bei la, bei nawn rawh' tih te hi han hre Chiang se, an nunna an la lèk lo tûr.

Rawngbâwnaah pawh beidawnna ruama luh theih a ni. Mahse, hma lam thlîra kal tauh tauhte hian hlimna leh lâwmna an chhar leh thîn. Thil rêng rêng a êng zâwnnga thlîr chungin, engkimah beidawng lovin i thawk thîn ang u.

SYNOD CHHAWMDAHLNA

Tûn hnaia harsatna hrang hrang tâwkte hnênah Synod Relief Fund aţangin hetiang hian chhawmdâwna pawisa pêk a ni:

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Falkawn	In kang	1	20,000	Hmunngahk	Damlo	1	10,000
Tlângnuam				Ratu Mèlkawn	Khawsak harsa	1	10,000
Vêngthlang	Khawsak harsa	1	10,000	W. Phailêng			
Sihphîr Hmâr Vêng	Khawsak harsa	1	10,000	Chhim Vêng	In kang	1	20,000
West Sêrzawl	Damlo	1	10,000	Lêngtê	Khawsak harsa	1	10,000
Vaitin	Damlo	1	10,000	Kangmun South	Damlo	1	10,000
Zote	Damlo	2	20,000	Lily Vêng North	Damlo	1	10,000
Bûnghmun North	Damlo	2	20,000	Vairêngte Hmâr Vêng	Damlo	1	10,000
Tlângnuam Vêngthar	Damlo	2	20,000	Bûngthum	Lei min tuar		
East Phailêng	Damlo	1	10,000		leh damlo	2	22,000
Kawrtethawng	Damlo	1	10,000	Airfield	Damlo leh		
Thingsai	Damlo	1	10,000		khawsak harsa	2	20,000
Cherhlun	Damlo	1	10,000	Sairang Vêngthar	Damlo	2	20,000
Sailam Vêng	Damlo	1	10,000	Tuidam	Damlo	2	20,000
Phûllên Vêngthar	Damlo	1	10,000	Thênzawl Kanan Vêng	Damlo	1	10,000
Khawnai	Damlo	3	30,000	Ngûr	Damlo	1	10,000
Mêlthum	Damlo	3	30,000	Tualte	Rualbanlo	1	10,000
Airfield Vêngthar	Damlo	2	20,000	Champhai Kanan	Damlo	1	10,000
Keitum	Damlo	1	10,000	Sakawrdai Chhim Vêng	Damlo	1	10,000
N. Lunglêng	Khawsak harsa	1	10,000	Thaidawr	Damlo	1	10,000
Zâwngetui	Damlo	1	10,000	Belh khâwm			5,12,000

RAMTHAR BOARD VAWI 189-NA A THU

Ni 17.6.2026 khân Synod Mission Board vawi 189-na chu J.M. Lloyd Hall, Synod Office-ah a thu a, member 81 an kal. Thut khâwm hi Rev. John Râldo-sanga, Synod Moderator-in a kaihrui a; Rev. R. Lalhmingsanga, Board Secretary-in report a pe.

Report-ah hian Masihi Sangati Evangelist 8 leh Contract Missionary mi 20 tih chhuah thu te; Presbyterian Hindi Bible School, Bâwnk-kâwna 76th Batch zir chhuah mi 14-te pualin Khatla Kohhran Hall-ah Graduation Day hman a nih thu te; 'Beauty Culture as a Mission' thupui kalpui zêlnaah Training Centre atân Lash Studio, Chanmari, Aizawl nêk kum thum chhûng atân inremna thuthlung siam a nih thu te; Lucknow Mission Field-a thawktu 2, Anti-Conversion Law hmanga thubuai siamsakte an zalên tawh thu te; Ramthar Board 187:9 of 23&24.10.2025-in Children Education Allowance ruahmanna thar a duan chu April 2026 aţanga hman tûra rêt leh circular tihchhuah a nih thu te; Synod Executive Committee-in a lo rêt tawh angin Mawdun, Shillong-ah Kristian thlânmuat atân ram lei a nih thu te; Synod Home Mission School, Zomuantlângin Mizoram sawrkâr aţanga sikul permission a hmuh thu te; Karbi Anglong Mission Field chhûnga sikul 7-in sikul permission/recognition an hmuh thu te; SMB-in Professional Ministry a kalpui

mêkah kum thum chhûng atân Mizoram Football Association (MFA) nêk inremna ziah a nih thu te; MTC hnuaia B.Miss. zir zo mi 14-te pualin Graduation Day, Mission Vêngthlang Kohhran Golden Jubilee Hall-ah hman a nih thu te; SMB hnuaia sikul 19-te HSLC result 2025–2026-ah zirlai 94%-in an pass thu te; May ni 12–22, 2026 khân Field Secretary leh Field Pastor tharte puala Orientation Training, MTC, Mission Vêngthlangah buatsaih a nih thu te; EFI sâwmna angin Asia Conference on Church & Mission 2026 programme, Philippines-ah June ni 9–12 khân Rev. Dr Rosiamliana Tochhawng, Executive Secretary leh Rev. B. Zohmangaiha, Synod Secretary an tel thu leh, Cambodia-a SMB hma lâkna awm mêk (Kohhran hrang hrang hmun khata lawi ho chungchâng)-ah kohhran hruaitute nêk an inkawm ngâl thu te; Contract Missionary mi 341-te June 2026 aţanga dah ngheh an nih thu te; Upa Lalfakawma s/o Tlângthangluaia, Mualkhang chuan Masihi Sangati rawngbâwna atân Mualkhang a ram a pêk chu ni 16.4.2026 khân inhlan a nih thu te; ni 28–31.5.2026 khân Luangmuat Kohhran Biak Inah Central Region Missionary Retreat tuang taka hman a nih thu te târ lan a ni.

REDUCTION SALE: Synod Book-room chuan July ni 13–18, 2026 khân Reduction Sale a buatsaih.

Râl Vêngtu

Râl Vêngtu chuan a thu ngai-thla tûa lo kalte hnênah chuan, "Pehhêl deuhva thu ka sawi hi in man fuh thiam lo thînin ka hria a. Tûkin chu 'A thlîng baw hawkin' thu ka'n hrilh teh ang che u," a ti a.

"Pakhatnaah chuan, Pathian rawngbâwl hi khawi hmunah pawh a theih tih hi hre thar leh ang che u.

"Pahnihnaah chuan, khawvêl lama tlântên sima Lalpa rawng an bâwl ta thînin hi a tha khawp mai. Chu ai chuan, khawvêl suaanaa tlu lût kher lova Lalpa rawngbâwl hi a tha zâwk tih hi pawm ula, ring nghet tlu teh u. Thu tha deuh in sawi pawhin, 'Hmânah kha chuan a chuti ve thînin,' tia an sawi zui ai chuan, 'Ani hi chu aw! Vênram a kai Chiang ngawt ang,' an tih thînin ang hi nih tum rawh u.

"Pathumnaah chuan, Pathian kohhran leh rawngbâwltu an sawisêlna hmun aţangin inthiar fihlîm zêl rawh u.

"Palinaah chuan, nangni rawngbâwltute pawh, koh nih in inhriat laia in phûr teh lul nê, engati nge in phunchiar tâk êm êm. Lota kha amah duhna ngeia Sodom khua nêna inzâr zawm a ni tih hre reng rawh u. Thenkhat lah in intilal êm êm a! Hetiang te hi a rawngbâwltu zia lo teh a nia. Rawngbâwlnaah mahni ngaih dân dah lal tum tlat hi a tha ber lo tih hre reng ula, mi dang ngaih dân pawh ngaichâng thiam ve thînin ang che u," a ti a.

Mite chuan, "Râl Vêngtu, thu khu nei hauh lova thu min hrilh hi kan lâwm hle mai. Kan lo inen fiah ang e," tiin an tîin ta hlawm a.

SYNOD HOSPITAL, DURTLÂNG THILPÊK DAWNTE (June 2026)

I. CHARITY FUND PETUTE

1. Pi Lalremi, Zêmbâwk North	5,000
2. Dr Lalmalsâwma Nghâka	
D-3 Business Enterprise	5,000
3. Pu Zodiniana, Mission Vêng	2,000
4. Pi Chawngchhîngi, Mission Vêng	1,000
5. Pu Victor Zothansânga	
Mission Vêng	1,000
6. Pu K. Lalrohlu Linda	
Tuithiang Vêngchhak	2,000
7. Hming thup	500
8. Upa Tualzachîna, Ngaizâwl	10,000
9. Isaac Lalrinzuala te chhûng	
Ramhlun South	10,000
10. Hming thup	2,500
11. Well Wisher	2,000
12. KÛP, Kâwnpui Chhim Vêng	
Pastor Bial	5,000
13. Ramhlun Vêngthar Pastor Bial	
Kohhran Hmeichhia	20,000
14. Khawhai South Pastor Bial	
Kohhran Hmeichhia	5,000
15. Bûngtlâng Pastor Bial	
Kohhran Hmeichhia	5,000
16. New Sêrchhîp Pastor Bial	
Kohhran Hmeichhia	10,000
17. East Phailêng Pastor Bial	
Kohhran Hmeichhia	10,000
18. Bûngkâwn Pastor Bial	
Kohhran Hmeichhia	35,000
19. Champhai Kahrawt Pastor Bial	
Kohhran Hmeichhia	10,000
20. Zêmbâwk Pastor Bial	
Kohhran Hmeichhia	20,000
21. Lungdai Kohhran	12,000
22. Phunchawng Kohhran	10,000
23. Ngûr Kohhran	5,000
24. Dârlâwn Pastor Bial	50,000
25. Chawngtlai Pastor Bial	10,000

26. Keitum Pastor Bial	30,000
27. Catholic Thalai Pâwl (St Mary's Branch	
leh St Francis Assisi Branch)	8,270
28. Khatla Pharmacy, Khatla	2,000
29. Central YMA	15,000
Belh khâwm	3,03,270

II. THISEN PETUTE Unit zât

1. KTP, Zêmbâwk Branch	49
2. KTP, Model Vêng Branch	33
3. KTP, Edenthar Branch	39
4. KTP, Dinthar Branch	54
5. KTP, Dâwpui Pastor Bial	76
Belh khâwm	251

III. THIL DANG PETUTE

1. Pângbâlkâwn Pastor Bial Kohhran Hmeichhia – hmunphiah 10.
2. Pûkzîng Pastor Bial Kohhran Hmeichhia – hmunphiah 70.
3. Delhi Pastor Bial Kohhran Hmeichhia – Plastic thutthlêngsei 2.
4. Ramthar Tlâng Vêng Kohhran Pavalai Pâwl – chokaa hman tûr chawhmeh chawhna, thinga siam thahnem tak.
5. Dr Malsâwmtluanga, Siloam Eye Center – Siloam Eye Clinic kum 9 tlin lawm nân Palliative Care tân ₹12,000/-
6. YMA, Chhînga Vêng Branch – Mitthi kuhna tûr puan 20

LAWM THU SAWINA: Hospital mamawh chi hrang hrang petute chungah kan Lalpa Isua Krista hmingin lâwm thu kan sawi a. A lêt tam takin Pathian malsâwmna lo dawng zêl ang che u. Sum leh thil pe duh tân Director (94361 41739) leh Nursing Superintendent (94361 52751)-te hnênah eng lai pawhin inhriattîr theia a ni e.

Rev. R. Lalvulluaia
Chaplain Sr, Synod Hospital, Durtlâng

INTIHSIAK BUATSIAH DAWN

Synod Executive Committee-in rem a tih angin Synfo chuan kum 2026–2027 chhûngin *Praise On Mal Zai Intihsiak leh Tleirâwl Inkhâwm Beat Group Intihsiak* a buatsaih dawn a. A hun leh hmun tûr leh tûl dang ngaihtuah tûrin Synfo Reality Sub-Committee din a ni tawh bawk.

SRC HRIATTIRNA

All India Services, Central Services, UPSC leh Central Government hnuia Competitive Examination hrang hrang atâna inbuatsaihte tân Synod Resource Centre, Synod Conference Centre, Mission Vêngah a inziah luh leh theih ta a. Ph. No. 9435475516 & 9089145755-ahte zawh fiah theih a ni.

MIZORAM CHRISTIAN COLLEGE

MCC-a thawktute chuan ni 7.7.2026 khân Tanhrila MCC Permanent Campus tûr sak mêk an tlawh a. Campus rem-châng laiah thing chi hrang hrang an phun bawk.

Ni 10.7.2026 khân kum 2026–2027 Academic Session tân a ni a, zirlai neih dân hetiang hi a ni: 1st Semester-ah 145, 3rd Semester-ah 114, 5th Semester-ah 106, an vaiin 365.

ONE DAY TRAINING

Ni 25.6.2026 khân Sêrchhîp Kâwnpui Kohhran Diamond Jubilee Hall-ah PES Teachers' **One Day Training** buatsaih a ni a. PES 22 aţangin thawktu 259 leh mi dang 11 (Pastor, Upa, etc.) an tel.

TIHDIKNA: Kumin Nilai Thupui bu phêk 133-na para 3-naa Hleia chanchinah khân, "Durtlâng, Hmuizâwl, Vervek leh Lungsum-ahte a pêm kual a, Lungsumah hian a awm hlen ta a ni," tih zâwk tûr a ni. Lungsumah hian a thlân lung, Lungsum khawtlâng leh A&C Dept ţang kawpin an siam pawh a awm.



New Diakkâwn Presbyterian Kohhran, Kolasib chuan August ni 2–9, 2026 chhûng khian an kohhran din kum 50-na (Golden Jubilee) an lâwm dawn a. He hunah hian an kohhrana lo lawi tawng zawng tel tûrin an sâwm a ni.

LIBRARY EN DIK

Ni 20.6.2026 khân kohhran library tha en dikin SL&PB aṭangin Rev. P.B. Zosâphthara, Editor leh BEC member-te – Upa R. Lallianzuala, Upa Dr Lalthanliana leh Upa K. Lalthâwm-mawia-te Mamit leh Kolasib Diak-kâwnah an kal.

PASTOR QUARTERS HAWNG

Ni 10.6.2026 khân Bûngtlâng Pastor Quarters hawng leh Tlungvêl Vêngthar Pastor Quarters sak tûr en felin Rev. V.L. Luaia Hranleh, Senior Executive Secretary leh Pu Lalhriat-renga, JE-te an kal.

CKTP-IN LAWMMAN DAWNG

Ni 17.6.2026 khân World Blood Donor Day 2026 hman a ni a; Rev. Dr K.M. Vânlalpêka, Central KṬP Leader-in hunserh a hmang. Hetah hian kum 2025 chhûnga thisen pe hnm lâwmman sem a ni a, Central KṬP-in religious category-ah 1-na (4,069 units) leh ram pum huapah 2-na (5,251 units) lâwmman a dawng. Pu Lalruatpuia, Asst Secretary leh T.Upa C. Rohmingliana-ten lâwmman hi an dawng a ni.

CAMPUS MINISTRY

Ni 8.6.2026 khân Presbyterian English School, Govt High School leh Govt Higher Secondary School, Sialsûkahte rawngbâwlin Rev. Johny Lalremfela, Director leh resource person-te – Upa Lalnunsiana Khâl-thang leh Pu C. John Saipârliaana-te an kal a. Pathian thu bâkah moral reform leh drug awareness chung-châng an sawi baw.

PYF SEMINAR – AGARTALA-AH

July ni 3–5, 2026 khân Agartala-ah Presbyterian Youth Fellowship (PYF) Seminar a awm a, Central KṬP hruiatu mi 13 an tel. July ni 3 zân inkhâwmah Upa Lalbiakfela, Treasurer-in CKṬP aiawhin chibai bûkna a sawi a; July 5 (Pathianni) zânah Pu Rochhîngpuian Pathian Biak Inkhâwm a kaihrui baw.

PYF Seminar-ah hian thupui chu ‘Entrepreneurship with a purpose’ tih a ni a; resource person-te chu Rev. Dr Hmingthansânga, Director, Inter-serve; Mr Cini Baig, Founder, Coffee

Jar Cafe and Bakery leh Mr Noel de Cruz, Founder & CEO, Zion Pools-te an ni.

SYNOD HOSPITAL ICU ZAUH

Synod Hospital, Durtlâng ICU zauh leh chei that hna chu thawh zawh a ni ta a. Ni 16.6.2026 chaw-hnu dân 2:30 khân Rev. Dr K. Lallâwmzuala, Executive Secretary i/c Hospital-in ṭawngṭaiin Pathian hnênah a hlân. ICU-ah hian khum 12 a awm dawn a, room leh bung-ruate en chhina peih fel a nih hunah luah a ni ang.

RAWNGBAWL HNA RUAK DIL THEIH

A hnuiaia târ lan rawngbâwl hna hrang hrangte hi Mizoram Presbyterian Kohhran hnuiaia a ruak a. Mizoram Presbyterian Kohhran mi, rawngbâwl tûra Pathian kohna hria, kum 18–35 inkâr mi, ni 30.7.2026 (Ningani)-a kum 35 la pumhlûm lo, zûk leh hmuam leh ruih theih thila fihlîm tân dîl theih a ni. Dîlna form hi Synod Service Board Office, Aizâwl leh Synod Office, Lunglei aṭangin lâk theih a ni a; Synod Service Board Office, Aizâwlah theh luh tûr a ni. Dîlna form man ₹20/- a ni a, dîlna form-ah hriat tûr pawimawh târ lan a ni.

I SYNOD HOSPITAL, DURTLANGA THAWK TUR

- Hna hming : Medical Record Technician (Contract), Post 1**
Thiamna : Graduate with diploma/degree in Medical Record Technology from recognised institution.
Hlawh : Synod hnuiaia Medical Record Technician contract hlawh.

- Hna hming : Pharmacist (Contract), Post 1**
Thiamna : D.Pharm./B.Pharm. from any recognised university.
Hlawh : Synod hnuiaia Pharmacist (contract)-te hlawh.

II AIZAWL THEOLOGICAL COLLEGE-A THAWK TUR

- Hna hming : Asst. Librarian (Contract), Post 1**
Thiamna : Theological Graduate with additional degree in Library Science (Lib.Sc.) from any recognised University with working knowledge of computer
Hlawh : Synod hnuiaia Asst. Librarian contract hlawh

III. MIZORAM CHRISTIAN COLLEGE-A THAWK TUR

- Hna hming : (1) Asst. Professor (Mizo) (Contract), Post 2
(2) Asst. Professor (Commerce) (Contract), Post 1
(3) Asst. Professor (Pol. Science) (Contract), Post 1**
Thiamna : UGC Norms 2018-in a sawi anga thiamna neite tân.
Hlawh : Synod hnuiaia MCC Asst Professor (contract) hlawh.

- # Dîlna hi ni 23.7.2026 (Ningani) dân 2:00 p.m. thleng theh luh theih a ni a. Hemi ni hian written test thei tûrte hming list târ lan a ni ang.
- # No. I & II tâna written test neih hun – Ni 24.7.2026 (Zirtâwpni) dân 11:00 a.m.
- # Written test neihna tûr hmun chu J.M. Lloyd Hall, Synod Office Top Floor a ni.
- # Interview hun – Ni 30.7.2026 (Ningani) dân 10:30 a.m.

(REV. DR V.L. LUAIA HRANLEH)
Secretary, Synod Service Board